

# فیه فی الحقیقۃ

— (بی) هر شهر عربی ابتدا سیاه اون بشنده نشر اولنور (بی) —

جلد ۵ — جزو ۵۰ [ فی ۱۵ ذی الحجه سنه ۱۳۰۳ ] نسخہ می ۳ غروش

## تحف بر ترتیب سهوی

آلمان غزته لرندن رایحسبوته نام غزته باغارستان حادثه سی اوزرینه نشر  
ابتدیگی بر مقاله «سیاسیه سنده مندرج» بالجله دول معظمه ایله اولان مناسباتمز  
ناموسگارانه و تراکتپرورانه بر صورتده جریان ایتمکده در «عباره سنده» آلمان  
لسانده دول معظمه معناسنه اولان مهتن Mächten کلمه سی یرینه سهو مرتب  
اوله رق قزله معناسنه اولان (مدهن) Mädchen کلمه سی دیزلمش اولدیفندن  
عباره «بالجله قزله اولان مناسباتمز ناموسگارانه و تراکتپرورانه بر صورتده  
جریان ایتمکده در» شکلنه گیرمشدر.

## جاپونیا مطبوعاتی

چکن تموزده جاپون غزته محرر لرندن موسیو (یانو) نامنده بذات  
پارسه سیاحتله فرانسز مطبوعاتنه منسوب بر چوق ذوات ایله گورشمشدر .  
مومی الیهک غزته محساره لرندن بریله وقوع بولان ملاقاتنده جاپونیا مطبو.  
عانتک حال حاضرینه دائر و یردیگی معلومات مملکت مزجه شایان عبرت ودقت  
اولغله بوراده عینیه نقلی مناسب گورولمشدر . مومی الیهک افاده سی شودر :  
« ۱۸۷۵ سنه سنده جاپونیا ده یالکتر ۵۳ عدد نشریات موقوته وارایدی .  
۱۸۷۶ ده بومقدار یتشه و ۱۸۷۷ سنه سنده ۱۵۶ یه و ۱۸۷۸ ده ایکی یوز  
یگرمی بشه بالغ اولدی . بوگون ایسه نشریات مذکوره (یومی ، هفته لک ،  
و شهری صورتده چیقان غزته لرندن عبارت اولوق اوزره ) ایکی بیگه  
رسیده اولمشدر .

« مطبوعات مذکوره نك الك مملری بش عدد اولوب بوجه آتیدر :  
« سربستی فرقه سنك مروج افكارى اولان « هوتچیس بیبون » و نیم  
رسمی غزته اولوب حكومتك پولیتقه سنه ، كافه تحولات و اطوارنده اتباع  
ایدن « نیچی نیچیس بیبون » ( بیبون جاپون لسانده غزته معناسنده در )

را ديقال فرقه سنك مروچ افكارى اولان « چو ياس بيمون » كذا فرقه  
مذكوره وساطعتدن اولان « مايناشيس بيمون » و بشخيسى حكومتك رسمى  
غزته سى اولان ( قوامپو ) غزته سيدر . بو غزته فرانسه نك رسمى غزته سى  
بولنان « ژورنال اوفيسيئل » گي اداره و تحرير ايدلمكه و قطعه سى مذكور  
غزته يه مائل اوله رق يالكر صحيفه لر ينك مقدارى تبدل اتمكه در .

« نيجي نچيس غزته سى ۸ صحيفه نشر ايديله رك ۲۵ سائيمه صاتيپير .  
« بنم ادارم آلتسده بولنان هوتچيس بيمون درت صحيفه اوزره مرتب  
اولوب فورمه سى دخى فرانسز غزته لر ينك عني در .

« سائر غزته لر اون بشر سائيمه صاتيپير . كرك اداره و كرك تحرير  
خصوصنده فرانسز غزته لر ينك عني اولوب برفرقلرى وارسه اوده آشاغيدن  
بوقارى قرائت ايدلمه لريدر .

« سيااسيات ايله برابر آثار ادبيه نشر ايدن غزته يالكر بزم غزته  
اولوب تميلات يوميه سى ۲۵ بيك نسخه در . »

### حکومت الهیه مطبعه سى

آنطوان گرادر نامنده برى آلمانيساده ( امون ) شهرنده بودفعه  
تأسيس ايتديگي بر مطبعه يه « حكومت الهيه مطبعه سى » اسميه ايتمشدر كه  
تميلاتنه مثال اولمق اوزره مذكور مطبعه ده « چنته سياحت » بياتلرى دخى  
طبع ايدلمكه اولديفنك ذكرى كافيدر .  
مطبعه نك افكار رهبانيته خدمت ايتك اوزره كشاد ايدلمش اولديني  
مستقى اخطاردر .

مدنيت و معارفيله اعصار سائريه رجحاني ادعا اولنان اون طقوزنجي  
عصر نصاراده هنوز بوگي وسائط اغفاليه رهبانيه نك رواجده بولمسي  
شايان دقتدر .